



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. XI. De Verborum Significatione.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Cap. V. Lib. I. Argumento conveniat, nec non *Cap. X. ibid.* de Reconventione; nam hæc ad Reum pertinet: præterea, cùm Judex Actionis, sit Judex Reconventionis; Exceptio & Actio eundem Judicem habent debet. Animadversio hæc confirmat REG. II. quæ de Exceptione dicit id, quod de Reconventione dictum fuit, loco laudato.

Dux Exceptiones, quæ leguntur hac in REG. item ea, quæ sunt in REG. XIII. XIV. XV. XVI. monent, revocandum esse in memoriam id, quod alibi fuit notatum, Autorem sumere verbum *Excepio*, modò prout significat defensionem in Jure propositam; modò prout significat casum in Regula non comprehensum.

REG. III. VII. VIII. XI. XII. desumptæ sunt ex REGULIS VI. XX. XXXII. XXXVI. LIX. LXIII. LXXI. *Trigesima Secunda* est fundamentum *Septuagesima prima*; nam si is, qui admittitur ad Actionem, admittitur ad Exceptionem, id sit quia nihil conceditur Actori, quod Reo non liceat. Utraque autem desumpta est è Regulâ dicente, Reum esse favorabilem, quam Actorem.

REG. XXXVI. & LIX. respiciunt dolum: Prima fert, pro Posseffore haberi eum, qui dolo desit poscidere: alia fert, dolosè agere eum, qui petit rem, quam se restituere debere scit. Prima opponi potest ei, qui Actionem cludere tentat per fraudem: Posterior adhiberi potest adversus omnem petitionem in justam; putat Fœnatoris usuras exigentis; Hæreditis petentis debitum, quod Testator cum exigere vexit.

REG. LXXX. sumitur ex iis omnibus, qui docent, licitanæ esse Defensionem, & favorabilius admitti, quam Actionem; indè enim sequitur, eum non esse in morâ, qui justa Exceptione uitetur.

Hæc generalia principia circà Exceptiones utilia sunt.

Observare opus est in REG. XIII. quod, ubi agitur de Factis, quæ sciri debent, idem sit de ignorantia Facti, ac de ignorantia Juris, quæ non excusat, nisi invincibilis sit, & magis aut minus culpabilis est, prout magis aut minus voluntaria est; porro, si quis velit ignorantiam in seipso, ut non faciat bonum, hæc magis voluntaria est, quam si eam velit solùm in ejus causâ, nempè, negligentiâ aut defidiâ.

Quod ibi dicitur, ignorantiam Juris excusare Feminas & Milites; producentum est ad Personas ruidores, in quibus defectus intelligentia, justa est ignorantia causa. Ignorantia probabilis, & ignorantia invincibilis, hic eadem sunt; sicut ignorantia supina, & ignorantia vincibilis. Hæc Exceptio necessaria est, ad præveniendum errorem. REG. XIV. respicit cæstionem, seu extinctionem obligationis, per contrariam voluntatem. De solutione agitur in REG. XV. quæ ad hoc reducitur; quod solutio totalis Creditori facta, obligationem integrum perimat; partialis, partem solùm extinguat: cui adjiciendum est, quod, si Debitor plures summas æquales eidem persona debeat, & solvendo unam ex iis, non determinet, quodnam debitum solvere intendat; neque etiam Creditor illud in Epochâ suâ determinet; debitum durius & strictius extinguitur; v. gr. illud, quod debetur sub pœna; tunc illud, quod debetur sub pignore; deinde illud, quod nomine suo cavit; denique, id, pro quo fidejussit, alias illud extinguitur, quod determinatum erit vel à Debitor, vel à Creditore ex consensu Debitoris: si debita alia aliis strictiora non sint, vetustius extinguitur. Vide Notas *Juris Gallici in Institut.* suprà laudatas.

Exceptiones & Replications cum suis Duplicacionibus inferi possent REG. XVI. amplitudinem suam adeptæ, quæ respicit Exceptionem Rei Judicata, quæ non habet locum, nisi cum Judicium validum est, ac definitivum, in eaque actum fuit de obligatione, adversus quam opponitur: alias res ju-

dicata non est, & proindè Judicium non potest obligationem extinguere. Is, quæ hic dicuntur ab Autore de re judicata, jngendum est CAP. XX. LIBR. II. eidem Argumento respondens.

REG. XVII. juncta REG. XI. docet, quod, re sine culpâ Debitoris perente, ejus interitus extinguit obligationem; porro, Debitor est in culpâ, si rem non restituerit post petitionem in Jure factam, nisi justas habuerit ejusdem non praefandæ causas.

REG. XVIII. est sequela REG. V. si defensio concedatur Excommunicato, oportet, ut, si ab eo exigitur id, quod debet, excusare se non possit à comparendo, idè quod sit Excommunicatus; vel, si comparet, Creditor ipsi Excommunicationem objicere non possit. Prior sensus magis accedit ad Cap. 14. de Sent. Excom: laudatum, & ad Cap. 5. de Except: quod laudari potest; in quibus legitur, gratiam Excommunicato, ad ipsius defensionem concessam, vertere non debere in præjudicium Actoris.

Discriben, quod REG. XIX. constituit inter Debitorum Laicum, & Debitorum Ecclesiasticum, attentionem meretur; nempè, hic in carcerem mitti non debet ob æs alienum, sufficit, ut cum Jurejurando caveat, se solutum, cùm poterit; ille autem in eodem casu mitti potest in carcerem. Eamdem attentionem meretur id, quod utriusque commune est: nempè, paupertatem non extinguere obligationem, sed auferre solūm facultatem solvendi.

REG. XX. pœna lata adversus Creditorem, qui vim Debitori suo infert, æquissima est, scilicet, amissio debiti. Idem est de Exceptione, nempè, Debitor ab illâ pœnâ immunis est, si vis sine jussu ipsius adhibita fuerit: addendum est, modò non approbet id, quod suo nomine gestum erit.

REG. XXI. oblatio pignoris non liberat Debitorum à persecuzione Creditori.

OBSERVATIONES in CAP. X. de INTEGRUM RESTITUTIONE.

Autor hic de Restitutione in integrum differit, quia locum habet præcipue in Obligationibus, quæ præcedunt. Quod de iis dicit, in omnem Actum, in quo læsio sit, extenditur, Judicium, Transactionem, Donationem, Resignationem, Permutationem Officiorum, aut Beneficiorum, aditionem Hæreditatis, & plures alios, qui expositi fuere in Libris precedentibus.

Omitit in REG. I. Exceptionem memoratam in Cap. 9. de Restitut. in integr. GREGORIUS IX. postquam dixit, Judges, qui non habent Administrationem, eorum Delegatos, & Arbitros, non posse noscere de hac Restitutione; adjicit, nisi incidens sit.

Exceptio I. REG. II. respicit Impedimenta legitima petendi Restitutionem tempore præstituto. Cùm dicit REG. IV. Absolutionem à Jurejurando esse speciem Restitutionis in integrum, loquitur de casu, in quo Contractus obligat solūm ratione Juramenti.

REG. VI. quæ dicit, Socio Majori, Minoris, non prodebet restitutionem, quam hic impetrat, æquissima est: nam ratio privilegii Minoris, locum non habet quoad tales Socium, REG. ult. non convenit Argumento; nam loquitur de punitione Clerici, qui cessionem Rei Litigiosæ, per fraudem fibi fieri procurat.

OBSERVATIONES in CAP. XI. de Verborum significatione.

Quoad Expressiones Juris, & speciatim Clausulas, perficere debuisset id, quod executus est circa Verba, illas ordine alphabeticò digerendo; & nedum indicaret Textus, qui expositionem continent, hæc referenda erat. Expressiones à Verbis distinximus in REGULIS circà Verborum significationem.

OBSERVATIONES in CAP. ULTIMUM de
REGULIS JURIS.

Ordo alphabeticus rectus est, quoad Regulas ab invicem independentes; sed, quoad alias, qua eidem Argumento respondent, retinendus erat ordo Argumentorum. Id executi sumus, continua serie colligendo eas, quae omnibus Argumentis, aut plerisque convenient, sub TITULO Regularum Communium. Reliquas divisimus in tres Clases, Judiciales, Beneficiales, & Morales: Has in Praeceptivas, Prohibitives, & Pernitivas, quibus praefixa sunt ex, quae Fontes indicant, in quibus Moralis Disciplina hauriri debeat.

Autor eas tantum Regulas colligit, quae sunt ad calcem COLLECTIONUM Gregoriane & Bonifaciane; eas omnes nos præterea collegimus, quae per totum Juris Corpus vagantur. Interdum ordini alphabetico ordinem Argumentorum conjunxit, colligendo, sub quibusdam verbis, Regulas respicientes id, quod sub illis verbis continetur: tot hujus Methodi occurserunt exempla, quorū verba, sub quibus plures Regulas congerit; multa sunt, sub, quibus omisit Regulas congrua, ex, quas eidem verbo subjecit, aliquando contraria sunt.

Duo igitur circa hoc Caput præstanta supersunt. 1. Supplendi defectus. 2. Componendæ contrarieitates. Primum impleri potest, remittendo ad Tabulam Alphabeticam REGULARUM JURIS CIVILIS, excusam in Editione Paris. 1612. immediate post REGULAS Sexi. Et quidem idē, inquit Editor, eo in loco collocata fuerunt, quia plerique Regulae Juris Canonici, ē Jure Civili desumptæ sunt. Adjicienda igitur sunt Indici VIGELLI, sub unaquaque litterā, Regulae, quae illic sub eadem reperiuntur litterā. Hoc vitium suppleri etiam potest, adjiciendo REGULAS Juris Canonici, quae sub quibusdam verbis desunt; & hoc est consilium nostrum, postquam remiserimus ad laudatum Indicem Regularum Juris Civilis, unācum Autore observaverimus, verbum REGULA, non significare hic Legem; sed Summaria dispositionis Legis, circa Argumentum Regulæ: laudata Lex est in Indice; prima sub litterā R.

Sub verbo Absolutio, adjice REGULAM, Promptiora sunt Jura ad absolvendum, quam ad condemnandum; sub verbo Accessorium collocari possunt Regulae laudate à CANISIO in Reg. XLII. in 6. Sub verbis Actor & Reus, adjicienda est Regula: Cum obscuræ sunt Jura Partium, favendum est Reo: REG. Attore non probante, absolvendum Reus.

Sub verbo Amisso, adjice REGULAM, Qui concessa abutitur potestate, illam meretur amittere. Sub verbo Argumentum, collocari potest Reg. 7. in 6. Privilegium personæ sequitur personam, quæ est sub verbo, Privilegium: item REGULA, Quod alicui gratiosè conceditur &c. 74. in 6. Sub verbo Commoda ponere licet REGULAM; Quod ob gratiam alicuius conceditur, in ejus dispendium retorquendum non est. Reg. 61. in 6.

Sub verbo Beneficium, adjice REG. Beneficium datur propter Officium. Cap. ultimo de Refer. in 6. Sub verbo Consensu locari potest REG. Scienti & Consentienti. 27. in 6. quæ est sub verbo Dolus. Sub verbo Culpa, pone REGULAM, Sine culpa non est alius puniendus. 23. in 6.

Sub verbo Dolus, adjici potest REGULAM: Pro Posse habetur, qui dolo desit possidere 36. in 6. que occurrit sub verbo Possessor. Sub verbo Dubia, adjice REGULAM: In pœnis benignior interpretatio facienda 49. in 6. nam interpretatio locum habet solum in Dubio: item REG. in Contradicibus plena, in Testamentis plenior, in Beneficiis plenissima, Cap. 6. de Donat. REGULAM. Odia restringi convenit. REGULAM: Cum ambigua sunt Partium Jura, favendum est Reo: REGULAM, in Dubiis tutius eligendum. Has inter Regulas, quedam contraria videntur invicem, aut

iis, quæ ab Autore collectæ sunt. v. gr. quo pacto conciliari possunt, Regula, In Dubiis minus eligendum esse, & Regula, In Dubiis considerandum esse quod verò similius est, aut sepius accidit: quonam modo componendæ sunt, cum Lege interpretandi Dubium adversus eum, qui ejus est Autor; denique cum obligatione interpretandi plenè Contractus, pleniū Testamenta, & plenissimè Beneficia Principium.

Alia nobis conciliatio non occurrit, nisi, quod, has inter Regulas, alia aliarum Exceptiones continent. Ex omnibus, quæ ad benignitatem vergunt, Prima est ea, quæ dicit, in Dubio mitiorem partem eligendam esse. Hæc est reliquarum principium: inde fit, ut in eodem casu, minus amplectendum sit, restringenda sint odia, pena levior eligenda sit. Omnes hæ Regule sunt consecutiones Regulae 3. de Reg. Juris apud GREGORIUM IX. Nam unaquaque illarum continet solum exempla rerum, quæ benigniores & humaniores sunt. Idem est de Regula, quæ jubet, ut Reo potius, quam Actori, faveatur, si Jura eorum æqualiter ambigua sint: hoc enim humanius est, cùm agatur de damno vitando quoad Reum, & de lucro captando, quoad Actorem.

Aliæ Regule continent Exceptiones, sumptas, sive 1. Ex circumstantiis, quæ dubium tollunt, proveniens ex obscuritate verborum, aut expressionis, aut Conscientiis Provincie: sive 2. ex Culpâ Contrahentis, qui obscurè locutus est; & sic in suum præjudicium intelligi meritus est. Hæc via necessaria fuit, ut obviām iretur fraudibus, quibus multi usi essent, eligentes verba obscura, undè lucrum captarent: impediendum erat, ne quis ex malitia suâ lucrum sentiret, & fraus in Autoris sui commodum gereret.

Qoad Regulam, circa discrimen, inter Contractuum & Testamentorum, nec non Beneficiorum interpretationem, ea fundatur in favoris iniquitatis: nam Beneficia Principum magis favorabilia sunt, quam Testamenta, & hæc, quam Contractus.

Sub verbo Factum, collocari potest Regula 73. in 6. Factum legitime retractari non debet; licet causas posita eveniat, à quo non potuit inchoari: quæ restringenda est ad Contractus indissolubiles: quod alios falsa est. Vid. CANISIUM, qui exempla utrorumque Contractuum colligit in hanc Regulam.

Sub verbo Impossible, sub quo citatur Reg. 6. in 6. Regulae XLI. LXVI. quarum illa fundamentum est, nam si is, qui non potest exequi quod debebat, reputatur id fecisse, id oritur ex eo, quod non teneatur ad impossibile.

Sub verbo Index, locari potest Regula 24. in 6. Quod quis mandato facit Judicis, dolo facere non videtur, cùm habeat parere necesse. Hæc est sub verbo Dolus.

Sub verbo Magistratus, prout accipitur ab Autore, collocari possunt, omnes Regulae, quæ respiciunt Superiores: plures sunt in TRIVL. de Major. & Obed. & in DIST. XCVI. quas omisit.

REGULA sub verbo Malum, periculosa est, significans, aliquem posse constitui in necessitate magnum aut minus Malum committendi, & tunc excusari à peccato, eligendo minus: quod falsum est; nam cum duobus criminibus inæqualibus objicimur, ab utroque abstinendum est, & deponendum error erga illud, quod licitum falso creditur, juxta Sententiam PAULI, Non facienda sunt mala ut eveniant bona. Proindeque nec minus Malum, ut vitetur majus.

REG. sub verbo Necessitas, ubi citatur Regula Decretal. que restringi debet ad casum Prohibitionis Humanæ, aut Divinæ merè positivæ, cum Legis Naturalis Precepto non concurrentis: tunc enim solum necessitas facit licitum, quod erat illicitum.

Longè plures Regulae colligendæ erant, sub verbo Prescriptio,